



VELIKA KLADUŠA Skoro 200 migranata organizirano krenulo u Hrvatsku

Drama na granici!

Jake policijske snage Hrvatske, uz podršku bh. sigurnosnih agencija, spriječile ih tako što su im blokirale put
 ● Vanredno stanje na granici nadgledali i helikopteri ● Mi samo želimo otići, završiti svoju rutu, kaže migrant Siravu

Potpuno nenadano, ali organizirano, jučer je više od 200 migranata krenulo iz Velike Kladuše prema najbližem graničnom prijelazu naše države s Evropskom unijom – GP Maljevac, odakle su dalje planirali svoj put.

U prelasku granice spriječile su ih jake policijske snage Hrvatske uz podršku bh. sigurnosnih agencija tako što su im blokirale put. Cijelu dramu na granici nadgledali su i helikopteri.

Uprkos jakim snagama i jasnim uputama da granicu ne mogu prijeći, migranti nisu odustajali te su ostali uz granicu. Zbog svega je na nekoliko sati blokiran Granični prelaz, zbog čega su

nastale ogromne gužve.

Iako policija novinarima nije dozvolila pristup, jasno se moglo vidjeti da je situacija u pojedinim trenucima bila napeta te na rubu incidenta. Nekoliko grupa migranata nasilu je pokušalo probiti kordon policije te proći granicu, što im nije uspjelo.

- Mi samo želimo otići, završiti svoju rutu. Ne planiramo ostati ni u Bosni, a ni u Hrvatskoj ili Sloveniji. Želimo do Njemačke ili Italije. Izbjeglice smo i nemamo pasoše, od nas to ne možete ni očekivati. Trebaju nas pustiti da odemo i ispunimo svoje snove. Želimo završiti ovo putovanje, napokon - kazao njegova država uništena te nam je Rida Siravu iz Iraka.

Drugi, Sirijac Hamad Samir kazao nam je da je

da u njoj više nema života.

- Danas nismo željeli probleme, želimo samo otići u obećane zemlje. Zato smo se dogovorili da krenemo prema granici. Ne želimo probleme. Ukoliko nas danas ne puste, ostat ćemo ovdje i čekati novu priliku za bijeg. Drugog izbora nemamo – istaknuo je Samir.

Uprkos molbama i raznim pokušajima, za migrante nije bilo prolaza. Drama na Graničnom prijelazu polako se u posljednjim satima smirivala.

Cjelodnevni pokušaj dvjestotinjak migranata da preko graničnog prijelaza Maljevac pješice iz Velike Kladuše uđu u Hrvatsku bez valjanih dokumenata nije uspio, a granični prijelaz je bio zatvoren sve do 20.10 sati, kada su se migranti vratili prema Kladuši. **A. SADIKOVIĆ**

Mektić: Sigurnosna situacija je narušena

Dragan Mektić, ministar sigurnosti BiH, izjavio je jučer da je, nakon slučaja ubistva migranta iz Maroka u Bihaću, narušena sigurnosna situacija u BiH.

- Sigurnosna situacija je narušena svakim slučajem koji na bilo koji način može da uznemiri javnost i izazove strah - rekao je Mektić te je dodao da se ne slaže s izvješta-

jima policijskih agencija, koje navode da je situacija zadovoljavajuća.

Dodao je da teret migrantske krize trebaju podnijeti sve nadležne institucije.

- Svi imaju obaveze, to je zakon tako propisao. Neka vrsta nosioca aktivnosti je Ministarstvo sigurnosti, ali je sigurnost u migrantskim centrima nadležnost kantona - dodao je Mektić.



Overart: Bez obzira na sporost vlasti, lužbe su uradile dobar posao (Foto: S. Saletović)



Pakistanac nožem ubo sunarodnjaka

U Izbjegličkom centru Salakovac jučer se u 7.50 sati dogodio incident u kojem je jedan migrant uboden nožem. Do incidenta je došlo kada su se naprije verbalno, a potom i fizički sukobila dvojica 24-godišnjaka iz Pakistana, poslije čega

je jedan od njih ubo sunarodnjaka kuhinjskim nožem u leđa.

- Osumnjičeni je lišen slobode, a obaviještena je Služba za poslove sa strancima RU Mostar. Povrijeđeni migrant prevezen je u Kantonalnu bolnicu "Dr. Safet

Mujić" - saopćili su iz Ministarstva unutrašnjih poslova Hercegovačko-neretvanskog kantona.

U KB "Dr. Safet Mujić" rečeno nam je da se radi o manjoj ubodnoj rani te da je pacijent hospitaliziran na Odjelu hirurgije. **M.Sm.**

Piter van der Overart, direktor IOM-a

Bh. vlast sporo reagira na migrantsku krizu

U Bosnu i Hercegovinu je u posljednjih nekoliko mjeseci, prema zvaničnim podacima, ušlo skoro 5.500 migranata. Bosanskohercegovačka vlast poprilično je nespremna, reagira sporo i indolentno. Piter van der Overart (Peter Van der Auweraert), direktor Ureda Međunarodne organizacije za migracije (IOM) u BiH, kaže da je trenutno ključno pitanje na koji će način Hrvatska štititi svoju granicu.

Dodao je da migrantsku rutu kroz BiH ne bi nazvao potpuno novom.

- Ono što je novo su građani Irana, kojih je skoro deset posto od ukupnog broja migranata i broj se povećava, jer je Srbija ukinula vize za građane Irana. Stoga oni sada dolaze avionom iz Teherana u Beograd i onda dalje, preko BiH, pokušavaju doći do teritorije Evropske unije. Trenutno skoro 70 posto migranata dolazi iz Srbije, ostali dolaze iz Crne Gore. To su dva osnovna

pravca – pojasnio je Overart.

Prema njegovim riječima, uobičajeno je da vlast reagira kad problem već postoji te da ju je vrlo teško uvjeriti da poduzme neke korake prije.

- Belgija je država veoma komplicirane strukture, kao što je i BiH, pa reakcija traje još duže nego kod standardnih država. Ali, građani BiH pokazali su se u ovoj krizi sa pozitivne strane, jer su ljudi iz svih slojeva činili sve da pomognu migrantima.

Overart je, također, pohvalio djelovanje bh. policijskih struktura, kao što je Služba za poslove sa strancima (SPS) ili Granična policija (GP), koje nikad nisu koristile nepotrebnu silu, kao što smo to vidjeli u dru-

gim državama.

- Bez obzira na to što se može govoriti o sporosti odgovora kad je vlast u pitanju, moramo priznati da su službe uradile dobar posao – naglasio je Overart.

Dodaje da su bh. građani odigrali bitnu ulogu, jer su popunili prazninu koja je nastala zbog toga što je vlastima trebalo vremena da se snadu i počnu djelovati. **E.H.**

Šuhret Fazlić: Građani su nesigurni

► Šuhret Fazlić, gradonačelnik Bihaća, jučer je na konferenciji za medije ponovo zatražio reakciju državnih vlasti u rješavanju pitanja migranata.

- Država zna da Grad nema ovlasti, da je problem u Bihaću evidentno poprimio veće razmjere. Država nije organizirala efikasno

rješavanje ovog pitanja, Grad trpi velike štete. I zato tražimo hitnu reakciju - rekao je Fazlić.

Zatražio je da se policiji Unsko-sanskog kantona, ukoliko je to potrebno, pridruže i kolege iz Federalnog MUP-a i Državne agencije za istrage i zaštitu (SIPA) kako bi se građani osjećali

sigurnije i radi prevencije nemilih događaja, poput onog prošle sedmice u Vclikoj Kladaši.

Predstavnici Crvenog križa, koji su, uz gradske vlasti, preuzeli na sebe brigu o migrantima, istaknuli su da su iscrpljeni, ali i da se sami osjećaju nesigurno.



*Jake policijske snage
spriječile prolazak migranata*



Angažiran i helikopter

Specijalna jedinica MUP-a USK pružala podršku Graničnoj policiji



Blokada araničnog prijelaza stvorila kilometarske kolone